



Kakanj, 01.12 2016. godine
Broj: 01/D-01-43- 16646 /16

Na osnovu člana 68. Statuta JP Elektroprivreda BiH d.d.- Sarajevo Zavisnog društva Rudnik mrkog uglja "Kakanj" d.o.o. Kakanj i Preporuke Komisije za javnu nabavku broj: 816-11/16 od 30.11.2016. godine po konkurentskom zahtjevu za dostavu ponuda (KZ: 47/16 – Nabavka materijala za zavarivanje i lemljenje), a u skladu sa članom 70. i 71. Zakona o javnim nabavkama ("Sl. glasnik BiH", broj 39/14), Direktor Društva mr.sci. Kasim Alajbegović, dipl.ing.maš., donio je

ODLUKU

o izboru najpovoljnijeg ponuđača

Član 1.

Za najpovoljnijeg ponuđača za nabavku roba – Nabavka materijala za zavarivanje i lemljenje, po provedenom konkurentskom zahtjevu za dostavu ponuda izabran je sljedeći ponuđač:

"AB PETROL" d.o.o. Kakanj
sa ukupnom cijenom od 21.889,73 KM bez PDV-a

Član 2.

Prijedlog ugovora o nabavci dostavit će se na potpis izabranom ponuđaču "AB PETROL" d.o.o. Kakanj po isteku roka od 15 dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se i ovlašćuje Komercijalna služba ZD RMU "Kakanj" d.o.o.- Kakanj.

Član 4.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem konkurentskog zahtjeva za dostavu ponuda, a pokrenut je na osnovu Odluke o pokretanju postupka javne nabavke broj: 01/D-01-43-15248/16 od 04.11.2016. godine.

Procijenjena vrijednost javne nabavke bez PDV-a je 25.000,00 KM.

Obavijest o nabavci broj: 967-7-1-875-3-154/16 poslata je na objavu 08.11.2016. godine i isti dan objavljena na Portalu javnih nabavki.

Zahtjev za dostavu ponuda je proslijeđen sljedećim ponuđačima (istovremeno sa slanjem obavijesti na Portal javnih nabavki):

1. "AB Petrol" d.o.o. Kakanj
2. "SIM-KOMERC" d.o.o. Kakanj
3. "NOVA TRGOVINA" d.o.o. Kakanj

Komisija za javnu nabavku je dana 30.11.2016. godine sačinila Zapisnik o ocjeni ponuda broj: 814-11/16 od 30.11.2016. godine i Preporuku o izboru najpovoljnijeg ponuđača broj: 816-11/16 od 30.11.2016. godine, u postupku javne nabavke roba – Nabavka materijala za zavarivanje i lemljenje.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda pet (5)
- da je blagovremeno zaprimljeno pet (5) ponuda
- da nema neblagovremeno zaprimljenih ponuda
- da su ponude ponuđača "UNIVERSYS" d.o.o. Sarajevo, "INTER-COM" d.o.o. Zenica i "AB PETROL" d.o.o. Kakanj prihvatljive
- da ponude ponuđača "DACA COMMERCE" d.o.o. Mostar i "UNIVERZAL-S" d.o.o. Kakanj nisu prihvatljive.

Ponuda ponuđača "DACA COMMERCE" d.o.o. Mostar je neprihvatljiva iz razloga:

Tenderskom dokumentacijom ugovornog organa u tački 2.4. traženo je da ponuđači dostave izjavu ponuđača o mjestu isporuke.

- Uvidom u ponudu ponuđača utvrđeno je da je isti nije dostavio traženu izjavu.

Dalje, Tehničkom specifikacijom Tenderske dokumentacije traženo je da ponuđači dostave:

- Izjavu da pristaje na uslove iz tački 2. i 3. Tehničke specifikacije,
- Katalog proizvođača robe u tri primjerka sa tehničkim karakteristikama, upotrebom (potrebnim parametrima rada) i načinom skladištenja, na jednom od tri službena jezika,
- Certifikat sistema kvalitete ISO 9001:2000 (1.1997),
- Potvrda od strane TÜV Bayern za kvalitetu proizvoda
- Uvidom u ponudu ponuđača utvrđeno je da isti nije dostavio:
 1. izjavu da pristaje na uslove iz tački 2. i 3. Tehničke specifikacije
 2. katalog proizvođača robe u tri primjerka sa tehničkim karakteristikama, upotrebom (potrebnim parametrima rada) i načinom skladištenja, na jednom od tri službena jezika i
 3. potvrdu od strane TÜV Bayern za kvalitetu proizvoda.

Na osnovu naprijed iznesenog utvrđeno je da ponuda ponuđača "DACA COMMERCE" d.o.o. Mostar nije prihvatljiva.

Ponuda ponuđača "UNIVERZAL-S" d.o.o. Kakanj je neprihvatljiva iz razloga:

Tačkom 5.2. Tenderske dokumentacije precizirano je da ponuda treba biti otkucana ili napisana neizbrisivom tintom. Svi listovi ponude moraju biti čvrsto uvezani, sa numerisanim stranicama. Sve dopune i izmjene ponude moraju biti čitljive i parafirane od ovlaštenih osoba.

- Uvidom u ponudu ponuđača utvrđeno je da ista nije čvrsto uvezana, ispravke urađene na 1. i 4. strani ponude nisu parafirane.

Obrazac za cijenu ponude, koji je dat u Tenderskoj dokumentaciji, sadrži dvije stranice i isti treba biti potpisan od strane ovlaštene osobe i ovjeren pečatom preuzeća.

- Uvidom u ponudu ponuđača utvrđeno je da je pomenuti obrazac razdvojen na 5. i 9. stranu ponude i isti nije ovjeren pečatom preduzeća, niti je obilježen kvadratić da li ponuda uživa ili ne uživa preferencijalni tretman domaćeg.

Da bi učestvovali u proceduri javnih nabavki, dobavljači trebaju ispunjavati sljedeće uvjete predviđene članom 46. Zakona, a u svrhu dokazivanja ispunjavanja tih uvjeta dužni su dostaviti:

a) Za pravna lica

- Aktuelni Izvod iz sudskog registra ne stariji od 3 mjeseca (ovim Izvodom mora biti obuhvaćena djelatnost koja je predmet konkurentskog zahtjeva),

b) Za fizička lica

- Rješenje nadležnog organa općinske uprave o odobravanju obavljanja profesionalne djelatnosti (ovim Rješenjem mora biti obuhvaćena djelatnost koja je predmet konkurentskog zahtjeva).

- Uvidom u ponudu "UNIVERZAL-S" d.o.o. Kakanj utvrđeno je da je ponuđač dostavio Izvod iz sudskog registra koji se ne može prihvatiti kao validan jer je isti dostavljen u odvojenoj koverti, nije uvezan sa ostalim dokumentima ponude niti numerisan. Takođe, na Izvodu je uočeno niz pravnih nepravilnosti, ali obzirom da ponuda ponuđača nije prihvatljiva iz više razloga, Ugovorni organ neće tražiti na uvid original Izvoda iz sudskog registra radi upoređivanja sa dostavljenom ovjerenom kopijom.

Tehničkom specifikacijom Tenderske dokumentacije zahtijevano je da ponuđači u slučaju ponude ekvivalenta, između ostalog, dostave tabelu kompatibilnosti u skladu sa navedenim standardima u specifikaciji.

- Uvidom u ponudu ponuđača utvrđeno je da isti nije dostavio tabelu kompatibilnosti u skladu sa navedenim standardima u specifikaciji za ponuđene ekvivalente.

Na osnovu naprijed iznesenog utvrđeno je da ponuda ponuđača "UNIVERZAL-S" d.o.o. Kakanj nije prihvatljiva.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, direktor Društva nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:

Naziv / ime ponuđača		Cijena
1.	"AB PETROL" d.o.o. Kakanj	21.889,73 KM bez PDV-a

Izabrani ponuđač je izabran primjenjujući kriterij najniže cijene, koja je ponuđena u iznosu od 21.889,73 KM bez PDV-a.

Iz navedenih razloga, primjenom člana 64. stava (1) tačka b) najniža cijena Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba JP Elektroprivreda BiH d.d.- Sarajevo Zavisnog društva Rudnika mrkog uglja "Kakanj" d.o.o. Kakanj, najkasnije u roku od 5 (pet) dana od dana prijema ove odluke.



Dostavljeno:

1 x Direktor Društva

1 x Učesnici u postupku javne nabavke

1 x a/a

Direktor Društva

mr.sci. Kasim Alajbegović, dipl.ing.maš.